

مطبعه و محل اداره :

جغياں اوغلنده امنيت
صندوغى جوارنده
شنگول يقوشنده
۲۰ نومرو

مشتاق

۱۳۲۶

اظہار :

مسلكمزمه موافق آثار
جدیدہ مع الممنونہ
قبول اولنور

درج ایدلمه یں آثار اعاده اولنماز

دیر ، فلسفه ، علوم ، حقوق ، ادبیات ، تاریخ ، و سیاسیات و بہ الخاصہ احوال و شئون اسلام و دین و بحث ابد و ہفتہ در ہر نشر اولنور .

آبونہ بدلی

صاحب و مؤسسلری :

درسعادتدہ نسخہ سی ۵۰ پارہ در

ابوالعلا زین العابدین - ح . اشرف ادیب
تاریخ تأسیسی

قیرلہ دن مقوا بورو ایلہ کوندریلیرسہ سنوی
۲۰ غروش فضلہ آلنیر

۱۰ تموز ۳۲۴

سنہ لکی	التی آیلانی	غروش
ممالک عثمانیہ ایچون	۶۵	۳۵
روسیہ	۶۵	۳۰
سائر ممالک اجنبیہ	۱۷	۹

آلتیجی جلد

۲۰ ربیع الاخر پنجشنبہ ۷ نیشان ۳۲۶

عدد : ۱۳۷

۱۵۸ - حدیث شریف

عن میمونۃ رضی اللہ عنہا ان رسول اللہ صلی اللہ علیہ وسلم [۱] اکل عندها کتفا ثم صلی ولم يتوضأ .

[۱] الہ کی بخاری نسخہ لرنده (ان النبی صلی اللہ علیہ وسلم) .

۱۵۹ - حدیث شریف

عن ابن عباس رضی اللہ عنہما ان النبی صلی اللہ علیہ وسلم [۱] شرب لبنا فضعض وقال ان له دسما .

[۱] الہ کی بخاری نسخہ لرنده (ان رسول اللہ صلی اللہ علیہ وسلم) .

۱۶۰ - حدیث شریف

عن عائشة رضی اللہ عنہا ان رسول اللہ صلی اللہ علیہ وسلم قال اذا نعل احدکم وهو یصلی فلیرقد حتی یذهب عنه النوم . فان احدکم اذا صلی وهو ناعس لا یدری لعلہ یرتفع فیسب نفسه .

۱۵۸ - ترجمہ

میمونہ رضی اللہ عنہا ان خاندن خاندن رسول اللہ صلی اللہ علیہ وسلم بر کورک (اے) ندن پید کدن سو کرہ آبدست آمدن نمازہ طور دینی روایت اولونیور .

۱۵۹ - ترجمہ

(عبداللہ) بن عباس رضی اللہ عنہما ان خاندن خاندن رسول اللہ صلی اللہ علیہ وسلم نبی اکرم صلی اللہ علیہ وسلم سود ایچوب آغزینی چالقلادی . و «بویاغیدر» بویوردی .

۱۶۰ - ترجمہ

عائشہ رضی اللہ عنہا ان رسول اللہ صلی اللہ علیہ وسلم بویوردینی روایت اولونیور :

بریکز نماز قیلارکن او یوقلارسه او یوقلارسه کیدنجیہ قدر یاتسون . زیرا او یوقلایہرق نماز قیلارسه استغفار ایدیم دیرکن بلکہ کندیہ سب ایدر .

احمد نعیم

سلامت و معیشت

تصحیح اعتقاد

یوقاریکی فصلار مزده روحک بر واسطه ایله فقط کندی فطرته ملایم کله جک بر واسطه ایله لوٹ او هامدن تطہیری لزومنه دائر برقاج سوز سویلنمش ایدی کہ او واسطه علوم صحیحہ دن بشقہ برشی دکلدی ؛ کذلک روحک سرعایتی تدقیق ایتمشیک کہ اوسر روحی بتون تمایلاتندہ قانون اعتدالہ منقاد بولندیرمقدن عبارت ایدی . شمدی بزم ایچون یالکیز سماعت روحیہ نک ماہیتی ، برده روحک مدار اطمشانی اوله جق سرکزی ا کلامق مسئلہ سی قالور .

کوزیمزک او کندیہ بر جوق آدمار وارکہ صحتلری ، ثروتلری پرندہ کندیلری علم و عرفان ایله تہذیب ذات ایتمش ایکن ینہ : صیقتی ایچندہ وقت کجریورلر ؛ راحت یوزونی کورمیورلر . لئانڈ عالمدن هیچ برلہ ملئذ اوله میورلر . نظر لرنده هر نعمت ؛ برالم هر فرح بر مصیبت صورتندہ تجلی ایدیور . قلبلرینک اوزرینہ برکابوس مالک چو کدیکنی حس ایدیورلر . لکن بوکا بوسک زهدن ، نہ صورتہ کدیکنی اکلا یه میورلر . اوله برکابوس کہ تضیق لئندن قورتلحق ایچون پیمانہ شراب ایله عقلی کیدرمکدن بشقہ چاره بولہ میورلرده اوسیدن کثولہ جان آتیورلر . ایچکی بولہ مدقلری صورتندہ یانوب یا قلیورلر . چونکہ دوا ی یکانہلری اودر .

پک اعلا سماعت انسانیه نک ایکی بیوک مداری اولان [چونکہ اوله دیورلر] صحت اید ثروت وارکن بوصیقتیلر ، بو او یوقوسنراقلر زهدن کلیور ؛ قلبلری امراض مغنویہ دن شفایاب ایتدیکی ظن اولنان

علم ایله تنور ایتدکدن صکرہ بویاچ صیقتیلری ، بو وجدان اوزنتیلری نہ اولیور ؛ بوملال درونی بزه شو حقیقی اکلاتیورمی کہ : روح برغایتہ مشتاقدر ؛ انسان او غایتی علماً بیللمسه بیلہ حساً دویمقدہ ، انارینی کورمکده در ؛ بو غایت نہ اوله وجودک صحتی ، نہ مالک ، اولاد و عیالک کثرتی ، نہ محنتم کاشانہلر ؛ نہ مدبذب سفره لر ، نہ چنک و چغانہلر ، نہ عیش و نوش سفیانہلر اولیوب بونلرک کافه سندن بشقہ برماہیتدر کہ شو صایدیغمز لئانڈ اوکا نسبتله ناچیز بر ذره ، حتی بوتون کائنات اونک یانندہ بر هیچدر !

پک اعلا ! روحک ازلدن بری شیدای اشتیاقی اولدینی ذوق سکون و اطمینانی انجق اونک حریم بلندندہ بولہ بیلدیکی غایت عجبا نہدر ؛ هیچ شہسز صفوت ایماندر .

ایشته سزہ دلیل :

روح شو اجسام جامدہ طبیعتندہ ، شوبی شعور مادہ طینتندہ دکلد کہ بو محقر طوطو پراق اوزرنده کی اشپادن بریلہ انیس پیدا ایدہ بیلسین ؛ یا خود اونک لئانڈ قانیہ سندن بریلہ او یالانہ بیلسین ، روح صرف نورانی بر فطرندہ اولدینی ایچون انجق نورایله انیس اوله بیلور . زیرا پیشکاهندہ آمادہ طوران جهان لاهوتی تماشاہ مانع ظلمات کثیفہ نک صریلوب کیتمی ، روحک علائق ماسوادن یوکسلرک حریم ملکوتہ طوغری عروج ایدہ بیللمسی ایچون بویلہ برنورہ احتیاج قطعیدر .

روح حظوظ جسمانیہ ایله او یالانق ، او حظوظک و برہ جکی نشوؤ زائلہ راضی اولمق درکہ لرندن پک عالیدر . انسان جمع مال ایله ، تأمین رفاه ایله بر حضور قلب ، بر سکون وجدان بولیورم دیہہ کنیدیسی ایستدیکی قدر آلدانسین طورسون ؛ روح او حضور و سکونک باشقہ بر شیدہ اولدینی سویلہ مکدن بر آن بیلہ کری قالماز .

ایشته انسان اگر کنسیدی حقیقتی لایقوله تأمل ایدرده روحنی او آرادی نی نورک آغوشنه آته حق اولورسه اوزمان قلبنه اطمئنان، خاطرینه حضور، فکرینه سکون کلیر؛ ولو کنسیدی سفالتک انک سافل درکاتنده یووارلانسین، یاخود حیات، انک مدهش تملکه لک هدف هجومی اولسون. بک اعلا! بوشوریده روحه اشتیاقیه بی قرار اولدینی اونوری، او صفای ایمانی ویرمک ایچون نه یامیلیر؟ بو مقصده هانکی یولدن کیتیلیر؟ اوت بونک ایچون سلوک ایدیه جک سبیل طریق عقلدن باشقه برشی دکدر: «الدين هو العقل ولادين لمن لا عقل له» — دین عقلک تا کنسیدیر؛ عقلی اولمیانک دینی ده یوقدر. حدیث «

ماوضع لهنده قوللانیلمق، سحتنه، اعتدالنه ایجه باقیلمق شرطیه عقل جناب حق طرفندن انسانره ویرلمش اولان خصائصک، مواهبک انک بیوکی، انک شرفلیدیر. شو خلقت بی پایانک عظمتی انسان انجق عقل ایله تصور ایدیه بیلیر؛ کائناته حاکم اولان قوانین ازلیه نیک سیرینی آنجق عقل ایله تدقیق ایدرک افعالی بچندن، مصنوعاتی حکمتسزلکدن منزله بر خلقت وجودینی انجق عقل ایله بوله بیلیر، فصلک او خالقک علمنی، تدبیرینی، حکمتی، رأفت ورحمتی هجوم رییدن مصون بر تمین ایله استدلاله ده انجق عقل سایه سنده موفق اوله بیلیر.

انسان جمعیات بشریه نیک احوالی انجق عقل ایله تدقیق ایدر، او جمعیتلرک ترقیسنی احضار، سقوطنی ایجاب ایدن قوانین فطرتی انجق اوسایه ده کورر؛ جناب حقک انسانره مرشد اولمق اوزره کوندردیکی نیلرک احوالی عقل ایله محاکمه، شریعتلرینی عقل ایله تأمل ایدرک نبوتک نه دیمک اولدینی، بونک بشر ایچون ضروری بولندیقی آکلار، خالق حکیمک اختلاف ملل واقوامده کی، تباین مشاعر و حسیاتده کی حکمتی یالکیز عقل ایله ادراک ایدیه بیلیر.

انسان ماضی ایله حالک فرقی انجق عقل سایه سنده تمیز ایدرده دیانات خاصه ایله شرائع عامه بی بربرندن آیریر، صوکره بوتون ادیانک خاتمه سی اولمق، بشریت طورده قجه باقی قالمق ایجاب ایدن بر دین مینه علومک، فنونک ظهور اولدینی انجق ارشاد عقل ایله کوره بیلیر.

محمد عاکف

تراجم احوال:

شارح فصوص عبدالله بوسنه وی [۱]

بین اعظم حاجی بایرام ولی اجاه خلفاسندن اولوب (کونیوک — طوربالی) ده مدفون اولان (بروسه وی ده ده عمر سکینی) معرفتیه تشعب ایدن (ملامیه بایرامیه) شعبه سی مشایخندن جامع الکمالات بر ذات عرفاتسات اولوب مقدمات علومی مسقط رأس (۱) طریقت قادریه رجالندن اولدقلری دیوانلرندن صراحة کلاسیلان و (حسن خیر الکلام) ترکیبک دلالتی اولان (۱۰۹۱) تاریخنده (ایزوورنیک) ده وفات ایدن (حسن قائمی بوسنه وی) بوسنه قطعه سنده یتیشن عرفای مشایخندیر. (ذیل شقایق) صاحبی (شیخی) نیک نقلنه کوره طریقت خلوتیه ده انتسابی اولوب مرشدلری (اوزیجه) لی (شیخ مصلح الدین افندی) ایمش.

اولان بوسنه ده، علوم آلیه و عالییه درسعادته بعدالاکمال ارزوی طریقت داعیه سیله بروسه یه عزیمتله مشاهیر رجال بایرامیه دن یکی بر قبرستانده مدفون شیخ حسن قبادوز بروسه وی یه انتساب ایله یوب سنه لرحه دوام ایدن مساعی و مجاهده خدا پسندان سنک مکافات مغنویه سی اولمق اوزره تکمیل مراتب حقیقتیه من جهة الطریقه نائل رتبه خلافت اولدیلر. بوندن صوکره ده یه استکمال فیض الهی مقصدیکانه سیله مصره و (۱۰۴۶) تاریخنده حجازه عزیمتله ایفای فریضه حج شریفه و زیارت جناب سیدالانیا صلی الله علیه وسلمه موفق اوله رق شام شریفه رحلتله قدوة المحققین شیخ اکبر محی الدین عربی حضرتلرینک تربه شریفه لری جوارنده انزوا ایدرک روحانیت مشار الیه وساطت علیه سیله استفاضه علوم محمدی یه مظهر اولدیلر. بعده اشارت مغنویه ایله قونییه یه عزیمتله شیخ کبیر صدرالدین قونوی ایله مولانا جلال الدین رومی حضراتی کی مدار فخر اسلام اولان ذوات عالیه نیک مراقب شریفه لری زیارتله اختیار اقامت و بر مدت صوکره (ارجی ...) فرمان الهیسنه لیک زن اجابت اوله رق (۱۰۵۴) تاریخنده ارتحال دار اخرت ایله یوب وصیتلری اوزره جوار حضرت صدرالدینده ودیعه خاک مغفرت قلندیلر. قدس الله سره العزیز. (هذا قبر غریب الله فی ارضه وسماء عباده البوسنوی الرومی البایرامی) عباره سنک سنک منارلرینه یازماسی نجمه وصابای عارفانه لرندن اولدینی (مستقیم زاده) مرحومک (احوال ملامیه بایرامیه) اسمنده کی اثرنده مذکوردر. عربستانده کی سیاحتلری اثناسنده ملاقی اولدقلری عرفا و فضلائک کافه سی علو کعبلرینی تصدیق ایله دکلری کی تحریر بیوردقلری آثار متنوعه محققانه لری ده الی یومنا هذا تصدیق کرده ارباب علم و عرفاندر. کندیلرندن اخذ علوم و معارف ایدن فضلی عرفانک باشلیجه لری شونلردر:

شیخ غرس الدین خلیل، شیخ محمد میرزا السروجی الدمشقی الصوفی، شیخ محمد مکی المبدی، شیخ سید محمد بن ابی بکر العقود مؤلفات علیه لری:

- ۱ شرح فصوص الحکم المسمی تجلیات عرائس النصوص فی منصات حکم الفصوص (آثار علیه لرینک انک مشهوری اولوب مطبوعدر.)
- ۲ مواقف الفقرا.
- ۳ الوصول الی الحضرة الالهیه لا یمکن الا بحصول العبودیه.
- ۴ حقیقه الیقین.
- ۵ مطالع النور السنی عن طهارة النبی العربی
- ۶ تفسیر آیه فاخلع نعلیک علی بطون السبعة
- ۷ رساله حضرات الغیب
- ۸ تجلی النور المبین فی مرآة ایاک نعبد و ایاک نستعین.
- ۹ شرح علی نظم مراتب الوجود للشیخ غرس الدین
- ۱۰ شرح علی القصیده الثانیة لابن الفارض

(۵) شیخ اکبرک مشهورافاق اولان (فتوحات مکیه) لرینک مقدمه سیدره